



### **Damondas da baghegiar**

Nr. 69/2022

Datum da publicaziun: 10 -06-2022  
Patrun: Casanova Gion, 8050 Turitg  
Liug e parcella: Sumvitg-Via Fontauna Sut; 1699  
Object: engrondir parcadi

Nr. 70/2022

Datum da publicaziun: 10-06-2022  
Patruna: Joos-Lang Rosa Maria, 7173 Surrein  
Representant: Robert Bundi SA, 7173 Surrein  
Liug e parcella: Surrein-Reits; 1440, 4136  
Object: sanaziun dil tetg cun integrar in indrez fotovoltaic da vart sid, engrondaziun dalla cuchera ed engrondaziun dallas finiastras el spitg

Ils profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 10-06-2022

*Cumissiun da baghegiar*

### **Radunonza da vischnaunca**

La proxima radunonza da vischnaunca ha liug **mardis, ils 14 da zercladur 2022** allas 20.00 uras a Surrein.

#### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 22-03-2022
4. Rendaquen 2021
5. Rapport dils revisurs ed approvaziun dil quen annual 2021
6. Tractaziun ed approvaziun dalla lescha davart l'indemnisaziun dallas prestaziuns dalla vischnaunca Sumvitg en connex cul provediment d'electricitad (DC 870.000)
7. Elecziun dil president dalla cumissiun da meglieraziun
8. Orientaziuns
9. Varia

Dils documents tier la tractanda 6 sa vegnir priu investa sin canzlia communal durant las uras da spurtegl ni sin la pagina d'internet [www.sumvitg.ch](http://www.sumvitg.ch). Suentar la radunonza communal vegn purschiu in aperitiv.

Sumvitg, 10-06-2022

*Suprastonza communal*

### **Avis dall'administraziun communal**

Sur Sontgilcrest resta l'administraziun communal serrada naven da mesjamna, ils 15 da zercladur 2022, allas 17.00 entochen gliendisdis, ils 20 da zercladur 2022 allas 8.00. Bien engraziament per Vossa capientscha.

Sumvitg, 10-06-2022

*Administraziun communal*

### **Avertura dalla senda da Crappa Grossa**

Las lavurs vid la senda da Crappa Grossa ein terminadas. Naven d'immediat ei la senda puspei aviarta.

Nus supplichein per enconuschientscha.

Sumvitg, 10-06-2022

*Departament sendas e piogns*

### **Di dallas portas aviartas en Serenera Zavrugia, sonda, ils 11-6-2022**

#### **Preziadas convischinas, prezai convischins**

Igl onn 1992 ei la Serenera Zavrugia vegnida prida en funcziun. Questa stad, a caschun da 30 onns menaschi, lein nus dar a Vus la pusseivladad da visitar quei impurtont implont. Era dalla schigentera solara da gliet Cadi sa vegnir priu investa. Il consorzi Serenera Zavrugia envida l'entira populaziun ad in di dallas portas aviartas, cun porscher entginas guidas tras il menaschi da serenar. Ei vegn endrizzau ina sempla ustria, nua che mintga visitader e visitadra retscheiva ina ligiongia dil gril ed ina bubronda. Ei fagess a nus grond plascher dad astgar beneventar vus en Serenera Zavrugia. La Serenera Zavrugia sa vegnir visitada naven dallas 10.00 tochen ca. allas 16.00. Cordialmein envida

*Consorzi Serenera Zavrugia  
Causerenera cun substitut*

### **Societad da tir Vial Sumvitg**

Uonn organisescha la Societad da tir Vial Sumvitg puspei il tir campester. Ord quei motiv envida la societad l'entira populaziun dalla vischnaunca sco ulteriurs tiradurs/-as ni amitgs dil sport da tir da prender part dil tir campester, il qual ei gratuits. Ei legrass nus zun fetg dad astgar beneventar Vus in da quels dis cheu tier nus a Plaun Petschen. Per il beinstar corporal ei era garantiu. Il tir ha liug **venderdis, ils 10 da zercladur**, dallas 18.00–20.00 e **sonda, ils 11 da zercladur**, dallas 14.00–17.30. Il tir campester preliminar ha liug **venderdis, ils 3 da zercladur**, dallas 18.00–20.00, medemamein a Plaun Petschen.

Cordialmein envida la *Societad da tir Vial Sumvitg*

### **Apparat d'udida**

**Gliendisdis, ils 20 da zercladur 2022**, saveis Vus schar schubergiar e rugalar Vies apparat d'udida:

- 9.15 – 10.30 en Casa sogn Martin a Trun
- 11.00 – 11.45 en Casa sogn Giusep a Cumpadials
- 13.15 – 14.30 el Puntreis, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents.

Ei drova negina annunzia.